



ᑭᐱᐱᑭ ᑭᐱᐱᑭ ᐱᐱᐱᑭ ᐱᐱᐱᑭ ᐱᐱᐱᑭ
Qulliq Energy Corporation
Soci t  d' nergie Qulliq
Qulliq Alruyaktuqtunik Ikumatjutiit

Tuhaqtitaujukhaq

Tuhaqtitauhainnaqtukhaq

Qulliq Alrujaqtutinik Ikumadjutiit uqaqtait malruuk nutaat katimajikhat tikkuqaqtujut

IQALUIT, Nunavut (June 24, 2022) – Minista munariyalik Qulliq Alrujaqtuqtunik Ikumadjutiinni (QEC), una Maligaliuqti Craig Simailak, tikkuarhimaliqtuq malruungnik nutaanik katimajujukhanik uvani Katimajiinni Aulapkaajini. Keith Cruz unalu Maya Jelali tikkuqaqtauhimauk ukununga pingahunik-ukiuqaqtunik havagutikhaminun atuliqtumi May 9, 2022mi. Nastania Mullin uumalu Roxanne Ruediger pingahuni-ukiuqaqtunik havagutait nunguttun Aktuupa 2021mi unalu Okalik Egeesiak taimaaqtiqtuq katimajiinnin Tissaipa 2021mi.

“Qujagijumajatka taimaaliqtun katimajugaluat pidjutainnik, tuniudjutainnik, nakuujuniklu ihumagidjtaunnik havaktillutik kuapuriisitkut katimaviani,” uqaqtuq Maligaliuqti Craig Simailak, Minista munariyalik QEC-kunnun. “Nutaat katimajikhat ilaulihainnaliqtun, munariplutik, hivullurhutiklu kuapuriisimimi tuniutininganik havagutaanik.”

Katimajiit tadjia pilik nainik (9) katimajinik piqaqtunik aallatkiinik naunaitkutinik, ilaujullu maniliqinikkut atanngujaunikkullu ajuiqhimanirnik. Ukuak nutaak tikkuqaqtauniit angiklijuummiqtirniamta katimaviup aallakkiigutiqarninganianik.

“Ukuat nutaat katimajiit pitqujauhimagun piqarmata ajuiqpiarhimanikkut maligakkut havaktuliqijikkut havakpakhimanirningnik,” uqaqtuq Rick Hunt, QEC-kut Atanngujaa, Angajuqqaangalu (CEO).

“Niriuktunga hivunikhani tuniudjutikhainnun ikajurnikkut hivulliurnikkut ikajurnikkullu kuapuriisimik taapkunani ajuiqpiarhimajamingni.”

###

Tuhaqtipkainikkut Uqarvigijakhat:

Renee Boucher

Atanngujallaktuq, Kuapuriisitkunni Tuhaqtipkaajini

Qulliq Alrujaqtuqtunik Ikumadjutiit

(867) 979-7524

rboucher@qec.nu.ca

Kangiqhidjutikhat

Qulliq Alrujaqtutunik Ikumadjutiit (QEC) nunaptikni piqaqtitijut pauwatuutikhainnik nunallaanut Nunavunmi. QEC nanminirijata tamaat Nunavut Kavamatkunit aulatitihimajurlu havagviupluni allanik, ataniqaqhutik kiuniqaqtut Ministamun munarijaqaqtuq QEC-kutnun. Kuapuliisitkut avallittuq auladjutikhanut tunihivakhutiklu pauwatuutikhainnik Nunavunmi, aulapkaivakhutiklu 25 uqhurjuaqtuqtunik pauwaliurutunik pauwaqarvingnik 25 nunallaani.

Talvanga *Qulliq Alrujaqtuqtunik Kuapuliisitkut Maligaq*, Ikhivautalik tuglialu ikhivautaliup katimajingit tikkuaqtauniaqtut Ministamit munarijalik QEC-kunni, taapkunangga aulapkaijinik. Tapkuat Katimajiiit Aulapkaijiit tikkuaqtauhimajut talvanga Ministamin munarijalik QEC-kunnun hivitunikhanut avatquhimaittumik pingahuni ukiuni, taamnaalu katimajiiit piqaqtukhaujut taima ikiklijaungittumik siksiujunik aulapkaijinik avatquhimaittumiklu qullinik aulapkaijinik.

Keith Cruz, Aulapkaiji

Keith Cruz maligaliqijuujuq uvani Nunavunmi Maligatigun Ikajurvingmi ajuirhimajuq havangnikkut maligainnik, igluliqinikkut pidjutainni, inungni pilaarutini, aulapkaikkut apirhuinikkut ihuigijaujuni, ukunanilu maniliurnikkut maligani pidjutainni. Tuniutijuuq qaujiihimadjutunik QEC-kunni katimajiiinnun ukunani havagvingni atugakhani maligakkullu qajangnarnikkut munaridjutainnik. Ikajuqtiujuq uvani Maligaliqinikkut Katimajiiinni Nunavunmi imaatun Aulapkaijiini Havaktini ilaupluni tunihivaktuqlu inungnun maligakkut iliharutunik nunallaani tamaani Nunavunmi. Inirhimajq una GN-kunnin-pipkaqtitajuq titiraliqarnikkut pinahuarutunik ukunani Angajukhiinni Hivulluurutikhani (Hivuliqtikhanun Pinahuaruti) ukuningalu Hivumukhimajunik Atugakhanik ajuirharnirik. Mr. Cruze nunaqaqtuq Iqalungni 2019min quviagijaalu nauttiijaami hunanik.

Marvin Dion, Aulapkaiji

Imaatut 40ukiuni havaaqaqtpakhimajurlu pauwatuutikhanut pauwaqarvingmi aulapkaijiupluni imaalu atan'ngujaupluni tamanigni Nunavunmi Nunatsiarmillu, Marvin Dion, kangiqhimattiaqhimajurlu qanuqgtut pauwaliurutainnik QECkut Katimajiiinni Aulapkaijiini. Tadja, havaktuq Atanngujaupluni talvani Sarliaq Holdings Kangiqlinirmi.

Mr. Dion hivuagut niruaqtauhimajuq Miijaunirmut Sallirmi imaalu kinguagut kivgaqtuihimajuq tuklianut miijamut. Ukiuni amihuni, ilaavakhimajurlu amigaittuni Keewatin ukunanilu Kivalliq avikturviani katimajiiini ikajuqtiuvakhunillu amihunut nunamingni katimajunut.

Maya Jelali, Aulapkaiji

Maya Jelali ajuittuq aulapkaikkut havaktakhanik atanngujaq, PMP® Titiraqaqhuni, ajuitpiaqtuqlu uvani pinahuarutini pivallialiurnirni naunaijarnirnilu, atugakhani, parnaqutikhani havaktuliqijikkut munaridjutini, havaktakhanilu munaridjutini. Ms. Jelali nunaqaqtuq Iqalungni 8ni ukiuni. Havakhimavaktuq Kavatuqatkunni, Qikiqtaaluk Kuapuriisitkunni tadja havaligtuq Nunavut Kavamanga imaatun Ajuittukkut Havaaghaqarnirni Pinahuarutini.

Tuniutijait angijun iliharhimanikkut titiraqarutait, pihimapluni Master's-mik titiraqarnimik Inungni Qanuridjutainni (Social Science) uuminngalu Master's-mik Kavamani Atugakhani Pinahuarutinilu

Aulapkaidjutainni uumanga University of Ottawa-min uumangalu University of Carleton-min. Aulapkaijiujqu uumani Habitat for Humanity Iqaluit katimajiinni quviagijaillu ajuirharniit pivallialiurniillu, nakuujumik piliurhimagavik aallatkiinik ajuirharnikkut piniarhimadjutikhanik turaangajunik Inuinnarnun ajuirhimanikkut pivallialiurninik.

Nayab Khan, Aulapkaiji

Nayab Khan tadjat havalik Atanngujauulluarhuni Maniliqnikkut Havaktiupluni uvani Nunavunmi Ilihariaqpaalivingmi. Aallatkiinik havakpakhimajuq amigaittuni maniliqnikkut havaakhani tamaat havagutiminni, qagannuaqtauk uvani Nunavunmi Igluliqijirjuatkunni Avikturhimanirmi Maniliqijiuupluni. Ms. Khan titiraqaqhimajuq Aulapkainikkut Manliqidjutiupluni ajuirhaqpiarhimajuqu uvani ihuinaarnikkut maniliqidjutikkut ihivriuqhini. Iliharutimin inirhimajuq piqarhuni titiraqmik uvani Bachelor's of Science in Mathematic and Economic uumanga University of Peshawar, piqarhimajuqu titiraqmik uvani Masters of Public Administration uumanga Flinders Universitymin. Ms. Khan nunaqaqtuq Iqalungni.

Martha Lenio, Aulapkaiji

Martha Lenio tunihivaktuq tapkununga nunarjuami aulaaranginnaqtun auladjutikhat QEC-gutip Katimajiuq Katimajiit. Aulaaranginnaqtun auladjutikhat ajuittiaqhimabluni tapkununga World Wildlife Fund Canada, Dr. Lenio's ilihimajuq hapkuninga of aulaaranginnaqtun auladjutikhat atuqtakhat talvani ukiuqtaqtumi avatikhamingnik talva QEC-kut ikajuqtait. Qulini ukiuni hivitujunik ajuittiaqhimayuq hapkuninga hiqinirmit pauwaqtpkaidjut ilihimanikkut ilitaqhimajuq uvanga Doctor of Philosophy talvani Photovoltaic Engineering talvanga University of New South Wales, uvalu Bachelor of Applied Science talvanga University of Waterloo. Dr. Lenio nunaqaqtuq Iqalungni.

Johnny Mike, Aulapkaiji

Johnny Mike maligaliuqtiugaluq (MLA) Pangniqtuumun avatquhimajuniklu 30nik ukiunik atuqpakhimajuq nanminiaqqtuni, kavamatkunni, ataniunikkullu havakpakhimapluni tamaani nunaptikni. Mr. Mike ilauqpiapaktuq ukunai Inuit nunatarnikkut uqaqatigiigutini uvunga Hivuraani Qikiqtaani nunallaanun uvani Nunavutip nunatarnikkut angirutimi havagutainni. Havaktiuhimavakhuni uvani Northern Canada Power Commission, Atanngujauvakhuni CEO-nguvakhunilu QEC-kunnun uvanilu NCC Investment Group-mi, katimajiuvtunilu QEC-kunni, Ministauvakhuni munarijumik QEC-kunnik, Mr. Mike kangiqlihimaqpiaktuq QEC-kut aulapkaidjutainnik kavamaliqidjutainniklu. Tadja katimajiuq Pangniqtuumi Anguniaqtiit Katimaviani. Mr. Mike titiraqaqtuq red seal-mik naunaitkutimik akhaluuhiliqijiuupluni nunaqaqtuqu Pangniqtuumi.

Andrew Nakashuk, Tukliq-Ikhivautalik

Andrew Nakashuk ilauvakhimajuq katimajiuqunut, timiqutaujunut katimajiinnullu amihuni ukiuni Pangniqtumi, Qikiqtaalungmilu, tamainni Nunavunmi. Tadja ikhivautalik talvani Nunavut Upalungaijainikkut Katimajingit, katimapkaivakhuni nunallaani qaujihadjutikhainnik upalungaijaiplunillu katimapkaidjutikhanik. Mr. Nakashuk hivitujunik ajuitaminik nunami havakpakhimajuq anguhiqijiuubluni iqaluliqinikkullu havaktiuvakhuni, akhanut munaridjutikhaq, uqaqtuivakhimajunnilu takujakhanun. Iniqpakhimajuq ilihaidjutinik kiudjutikhanik avatiptinni qilamiurniaqtigun, qiniqhiajukharnik annautikkullu ilihaidjutinik, and allatqiinik ilihaidjutinik talvuuna

Palihimatkunin RCMP. Mr. Nakashuk nunaqaqtuq Pangnirtuumi.

Keith Peterson, Ikhivautalik

Mr. Keith Peterson ministauvaktuq Nunavut Kavamangani Maligaliuqtiuvaktuqlu (MLA) havagutigiplugu Iqaluktuuttiaq. Munariniqaqpaktuq hapkuninga Maniliqinikkut, Maligaliqijitkut, Aanniaqtailinikkut havakhimavaktuqlu Ministaupluni munarijalik QEC-kunnun. Mr. Peterson Mijjavaktuq Iqaluktuuttiami malruungnun hivitunirnun, havakpakhimajuq naliinni havaaghani aallani kavamani nanminirijaujunilu havagviinni katimajiinni. Ajuittiarhimajuq hivulliurnikkut kavamatkunni havagviinnik, ukiuqtaqtumi kuapuriisitkunni katimajiinni maligaliqidjutainni, nunallaanilu pidjutigiingnun. Nunaqaqtuq Iqaluktuuttiami.

Clarence Synard, Aulapkaiji

Clarence Synard avatquhimajuq 26nik ukiunik havakpangnirminik ukiuqtaqtumi. Tadja Angajuqqaangujuq Atanniulluarhunilu uvani NCC Investment Group. Taapkunani amigaittuni havaarivaktainni NCC-kunni qaangiqhimajuni ukiuni, pipkairaanginnarhimajuqlu hakugiktunik havaqatigiigutunik tamaani nunaptikni turaangaplunilu aanniaqtailinikkut aanniqtailinikkullu havaqatimini havaktinilu. Hulijukhuni nunallaami, Mr. Synard Atanngujaujuq uvani Baffin Regional Chamber of Commerce (Qikitaani Nanminiqagtuni Havagviinni Katimajit), Tukliuplunilu Angajuqqaangupluni Katimajiinni uvani Skills Nunavut (Hanajini Ajuihaqtuni Nunavunmi) ilauplunilu Nunavut Kavamanga Nappaqtirinnikkut Uqaudjinikkut Katimajiinni. Pihimajuq titiraqmik uuminnga Red Seal Journeyman Certificate (Hanaji) uumannga College of North Atlantic-min. Mr. Synard nunaqaqtuq Iqalungni.